

庭竹蕭蕭常對影。捲簾幽草初分。羅衣香褪懶重薰。有愁憎語燕。無事數歸雲。秋雨欲來風未起。芭蕉深掩重門。海棠無語伴消魂。碧山生夢遠。新水漲平村。

蝶戀花

西湖卽事

蕩漾湖波千頃雪。金管聲微。遠聽哀絃接。童子戲流心手微。凝看轉覺烟波活。岸阻山連商賈絕。去四來三。游艇輕於葉。放鶴栽梅諸勝歇。我來唯共湖頭月。

金菊對芙蓉

答姊月輝見懷

五易星霜。兩遷村墅。思君幾許魂消。看燕來雁去。夢斷音遙。兵戈路絕空相念。唯虛却月夕花朝。還家一載。城隅隔似阻江潮。感伊投我瓊瑤。美珠光溜彩玉韻含韶。恨未能攜手。愁寄纖毫。君家梅竹猶堪賞。待相逢斗酒重澆。春光未老。花香正美。離思空勞。

孫蘭媛

字介晚。黃月輝長女。陸宙肩室。霽伯進士母。女端毓亦能詞。有硯香閣稿。

瀟湘神

七夕